

“ЎЗБЕКИНВЕСТ” ЭКСПОРТ-ИМПОРТ СУҒУРТА КОМПАНИЯСИ” АКЦИЯДОРЛИК ЖАМИЯТИ

ХОНАДОНЛАРНИ ЁНҒИНДАН СУҒУРТА ҚИЛИШ БЎЙИЧА ОММАВИЙ ОФЕРТА

Ушбу Оммавий оферта (кейинги ўринларда – “Оферта”) “Ўзбекинвест” ЭИСК АЖ (кейинги ўринларда – “Суғурталовчи” деб юритилади) томонидан ноаниқ жисмоний шахслар (кейинги ўринларда “Суғурта қилдирувчи” деб юритилади) доирасига қуйидаги шартларда, Суғурталовчининг ахборот тизимлари орқали хонадонларни ёнғиндан суғурта қилиш тўғрисидаги шартнома (кейинги ўринларда – “суғурта шартномаси”)ни тузиш тўғрисида қилинган таклифидир. Шартноманинг Томонлари бўлиб Суғурталовчи ва Суғурта қилдирувчи ҳисобланадилар.

Ушбу Оферта шартларини қабул қилиш ва белгиланган суғурта мукофотини тўлаш унинг шартларини акцептлаш ва суғурта шартномасини тузиш учун Суғурта қилдирувчининг розилиги ҳисобланади. Суғурта қилдирувчи томонидан суғурта мукофоти тўланганлиги тасдиқлангандан сўнг, унга электрон почта орқали суғурта полисининг электрон ҳужжати юборилади ва суғурта шартномаси тузилган ҳисобланади.

Ушбу Оферта шартларига мувофиқ ушбу Офертада кўрсатилган қалтисликлардан бевосита суғурта ҳодисаси юз берганида Суғурта қилдирувчининг Ўзбекистон Республикаси қонун ҳужжатларига зид бўлмаган, суғурталанган хонадон билан боғлиқ мулкӣ манфаатлари суғурта объектидир.

Ўзбекистон Республикаси Фуқаролик Кодексининг 370-моддасига мувофиқ ушбу Оферта шартларини сўзсиз қабул қилиш (акцептлаш) Оферта шартларини қабул қилиш деб ҳисобланади, ва бу билан қуйидагиларга розилик билдирилади:

- ушбу Оферта шартлари, шу жумладан унда кўрсатилган суғурта қилиш шартлари;
- аризани тўлдиришда кўрсатилган шахсга доир маълумотларга ишлов бериш учун, шу жумладан йиғиш, тизимлаштириш, тўплаш, сақлаш, аниқлаштириш, фойдаланиш, эгасизлантириш, блокировка қилиш, йўқ қилиш (йўқ қилиш тўғрисида хабар бермасдан), автоматлаштирилган ёки автоматлаштирилмаган усулда ишлов бериш орқали 5 йил муддатга суғурта фаолиятини амалга ошириш мақсадида, шунингдек суғурта шартномасини бажариш мақсадида, ички иш юритишни учинчи шахсларга топшириш.

Ушбу Оферта шартларида Суғурталовчи билан суғурта шартномасини тузган муомалага лаёқатли жисмоний шахслар, Ўзбекистон фуқаролари, фуқаролиги бўлмаган шахслар ва Ўзбекистон Республикаси ҳудудида доимий ёки вақтинча яшайдиган чет эл фуқаролари, шунингдек, юридик шахслар Суғурта қилдирувчи бўлиши мумкин.

Суғурта қилдирувчи ўз ҳукуки ва муомала лаёқатини тасдиқлайди, шунингдек Суғурталовчининг Интернет-ресурси орқали суғурта шартномасини тузиш натижасида ўзига юклатилган мажбуриятлар учун жавобгарликни англайди.

Суғурталовчининг Интернет-ресурсида суғурта шартномасини онлайн режимида тузиш учун Суғурта қилдирувчи электрон почта манзили ва мобил телефон рақамига эга бўлиши шарт.

Суғурталаш учун ариза бўлиб Суғурта қилдирувчи томонидан Суғурталовчининг Интернет-ресурсида суғурта шартномасини тузиш учун зарур ва аҳамиятли бўлган барча маълумотларни қиритиш ҳисобланади.

Суғурталовчи Ўзбекистон Республикаси “Суғурта фаолияти тўғрисида”ги Қонунининг 62-моддаси талабларига мувофиқ Суғурта қилдирувчи ва суғурта шартномасида кўрсатилган бошқа жисмоний шахсларнинг шахсга доир маълумотлари хавфсизлигини ва ошкор қилинмаслигини таъминлаш мажбуриятини олади.

Кейинги ўринларда матнда келтирилган “Оферта”, “Суғурта шартномаси” ва “Суғурта полиси” ҳаволалари ушбу электрон ҳужжатга нисбатан бир хил маънога эга.

1-БЎЛИМ. УМУМИЙ ШАРТЛАР

1.1. Умумий тушунчалар:

1.1.1. Суғурталовчи – «Ўзбекинвест» экспорт-импорт суғурта компанияси» акциядорлик жамияти.

1.1.2. Суғурта пули (суғурта мажбурияти) – суғурта ҳодисаси содир бўлганда Суғурталовчи

суғурта товонини тўлаши бўйича мажбуриятининг чегарасини билдирувчи пул миқдори.

1.1.3. Суғурта полиси (полис) – мазкур Офертани ўз ичига олган суғурта шартномаси.

1.1.4. Суғурта товони – суғурта ҳодисаси юз берганда зарарни қоплаш учун Суғурталовчи томонидан суғурта пулидан ошмаган миқдорда тўлаб бериладиган пул маблағи.

1.1.5. Суғурта муддати – полисда кўрсатилган давр бўлиб, Суғурталовчининг полис бўйича мажбуриятлари ушбу муддат мобайнида содир бўлган суғурта ҳодисалари учун амалда бўлади.

1.1.6. Суғурта қилдирувчи – қонунчиликда назарда тутилган ҳужжатга кўра хонадони сақланишидан манфаатдор ва ушбу Офертага мувофиқ суғурта шартномасини тузган жисмоний ёки юридик шахс.

1.1.7. Суғурта мукофоти – суғурта учун Суғурталовчига тўланиши шарт бўлган тўлов.

1.1.8. Суғурталанган уй-жой – қурилиш якунланиб, фойдаланишга қабул қилинган ва кадастр ҳужжатиغا эга бўлган, қонун ҳужжатларига биноан яшаш учун яроқсиз деб топилмаган, пойдевори ва сув ўтказмайдиган томи, ойна ва деразалари мавжуд, мустаҳкам турар жой ва мазкур жойнинг конструктив ажралмас қисми бўлган қурилмалар ёки кўп қаватли уйдаги хонадонлар. Агар уй-жой бир нечта бинодан иборат бўлса, барча бинолар полисининг 2.1-бандида кўрсатилиши шарт, акс ҳолда алоҳида қурилган бинолар суғурталанган уй-жой ҳисобланмайди.

1.2. Суғурта шартномасини тузиш ва унинг кучга кириш тартиби:

1.2.1. Ушбу Оферта Суғурталовчи томонидан Суғурта қилдирувчига сотув ва суғурта хизматларини кўрсатиш шартларини белгиладиган электрон ҳужжатдир;

1.2.2. Суғурта шартномаси (суғурта полиси) Суғурта қилдирувчи Суғурталовчига ахборот тизимларидан фойдаланган ҳолда тақдим этган маълумотлари асосида шакллантирилади;

1.2.3. Суғурта қилдирувчи электрон аризанинг талаб қилинган майдонларини мустақил равишда ва аризада кўрсатилган ҳужжатларнинг аслига мувофиқ равишда тўлдиради;

1.2.4. Суғурта қилдирувчи аризадаги ҳужжатларнинг аслига тўғри ва бир хиллиги учун жавобгарликни ўз зиммасига олади, шунингдек, аризадаги ҳужжатлар уларнинг асл нусхаларига тўғри келмаса, суғурта ҳодисаси содир бўлганда, Суғурталовчи суғурта товонини тўлашдан бош тортишга ҳақли эканлигига розилик билдиради;

1.2.5. Аризада кўрсатилган ва унга киритилган ҳужжатларнинг маълумотлари автоматик равишда суғурта шартномаси (суғурта полиси)га киритилади;

1.2.6. Офертада таклиф қилинган суғурта шартлари билан рози бўлса, Суғурта қилдирувчи Суғурталовчининг ахборот тизимида ўз розилигини тасдиқлайди ва суғурта шартномасини тузиш тўғрисидаги Аризани (кейинги ўринларда «Ариза» деб юритилади) онлайн режимда Суғурталовчининг ахборот тизимларидан фойдаланиш орқали тўлдиришга ўтади;

1.2.7. Аризани тўлдиришда суғурта ҳодисасининг содир бўлиш эҳтимоли ва унинг содир бўлишидан қўрилиши мумкин бўлган зарар миқдори (суғурта хавфи)ни аниқлаш учун Суғурталовчи учун аҳамиятли ва зарур бўлган барча маълумотларни кўрсатиш талаб қилинади. Барча маълумотлар ҳужжатларнинг асл нусхаларига қатъий мувофиқ равишда кўрсатилиши шарт;

1.2.8. Ариза тўлдирилганидан сўнг, Суғурталовчининг ахборот тизими томонидан автоматик равишда “Суғурта мукофотини тўлаш ва суғурта полисини расмийлаштириш” тугмачаси очилади;

1.2.9. Суғурта шартномасининг томонлари Суғурта қилдирувчи томонидан суғурта полиси олинганлиги суғурта шартномаси (суғурта полиси)ни тегишли тарзда имзолаш деб ҳисобланишини тасдиқлайдилар;

1.2.10. Ушбу Офертани қабул қилиш ва суғурта шартномасини тузиш санаси Суғурталовчининг ахборот тизими томонидан Суғурта қилдирувчининг суғурта мукофотини тўлаганлиги тасдиқланган сана ҳисобланади;

1.2.11. Суғурталовчининг мажбуриятлари (суғуртанинг бошланиши) суғурта мукофоти тўланганидан сўнг 5 (беш) кун ўтгач кучга киради ва тўланган давр учун амал қилади.

1.3. Суғурта шартномаси (полиси) бўйича суғурта мукофотини тўлаш тартиби:

1.3.1. Суғурта шартномаси (полиси) бўйича суғурта мукофотини тўлаш Суғурталовчи томонидан қўлланиладиган ахборот тизимларидан фойдаланиш орқали амалга оширилади (онлайн);

1.3.2. Тўлов тизимининг ҳимояланган каналига кейинчалик йўналтириш учун аризани қабул қилишни тасдиқлаш Суғурта қилдирувчи томонидан аризани тўлдиришда кўрсатилган мобил телефон рақамига Суғурталовчи томонидан СМС-хабар юборилиши орқали амалга оширилади;

1.3.3. Тасдиқлаш коди бўлган СМС-хабарни олганидан сўнг, Суғурта қилдирувчи электрон тўлов тизимини танлаши керак, шундан сўнг у танланган тўлов тизимининг веб-сайтига суғурта мукофотининг ҳисобланган миқдорини Суғурталовчининг ҳисоб рақамига ўтказиш учун автоматик равишда йўналтирилади;

1.3.4. Суғурта полиси бўйича суғурта мукофотининг тўланганлиги тўғрисидаги тасдиқни олгандан сўнг, Суғурталовчининг ахборот тизими автоматик равишда суғурта полисини электрон шаклда расмийлаштиради, уни Суғурта қилдирувчининг электрон почта манзилига юборади, кейинчалик Суғурта қилдирувчини суғурта полиси серияси ва рақами тўғрисидаги ва суғурта полиси электрон тарзда юборилганлиги тўғрисидаги маълумотларни ўз ичига олган СМС-хабарни юбориш орқали хабардор қилади;

1.3.5. Суғурталовчи тўлов Провайдерининг ҳаракатлари/ҳаракатсизлиги, шунингдек Суғурта қилдирувчининг электрон тўлов тизими ва Интернет орқали тўлов билан боғлиқ ҳар қандай зарар ва хавфлари учун жавобгар эмас.

1.3.6. Банк картаси орқали суғурта мукофотини тўлаш тўғридан-тўғри Суғурта қилдирувчи/Наф олувчи - карта эгаси томонидан амалга оширилиши керак. Суғурта қилдирувчи тўловни амалга ошириш учун банк картасини бошқа шахсга топширган тақдирда, Суғурта қилдирувчи унга боғлиқ барча хавфларни ўз зиммасига олади ва бу ҳолда суғурта мукофотини тўлаш Суғурта қилдирувчи томонидан амалга оширилганлигига розилик билдиради.

1.3.7. Суғурталовчининг ахборот тизимидаги “Суғурта мукофотини тўлаш ва суғурта полисини расмийлаштириш” тугмачасини босиш билан, шунингдек шаклланган суғурта мукофотини тўлаш орқали Оферта юборилган шахс Ўзбекистон Республикаси Фуқаролик Кодексининг 370-моддасига мувофиқ ушбу Оферта шартларига розилик билдиради.

1.4. Суғурта қилдирувчининг ташаббуси билан суғурта шартномасини (суғурта полисини) муддатидан олдин бекор қилиш. Суғурта мукофотини қайтариш:

1.4.1. Суғурта шартномаси, агар у кучга кирганидан сўнг суғурта ҳодисасининг содир бўлиш эҳтимоли йўқолган бўлса ва суғурта ҳодисасидан бошқа ҳолатлар туфайли суғурта хавфининг мавжудлиги тўхтатилган бўлса, у тузилган муддатдан олдин бекор қилинади.

1.4.2. 1.4.1. бандида кўрсатилган ҳолатлар туфайли суғурта шартномаси муддатидан олдин бекор қилинган тақдирда, Суғурталовчи суғурта мукофотининг бир қисmini суғурта амал қилган вақтга мутаносиб равишда олиш ҳуқуқига эга.

1.4.3. Суғурта қилдирувчи, агар рад этиш пайтигача ушбу Офертанинг 1.4.1. бандида кўрсатилган ҳолатлар туфайли суғурта ҳодисаси эҳтимоли йўқолмаса, суғурта шартномасини бажаришни ҳар қандай вақтда рад этишга ҳақлидир. Шу билан бирга, Суғурталовчига тўланган суғурта мукофоти қайтарилмайди.

1.4.4. Суғурта қилдирувчининг ташаббуси билан суғурта шартномасини (суғурта полисини) муддатидан олдин бекор қилиш Суғурталовчига бекор қилиш тўғрисидаги ёзма аризани юбориш орқали, кейинчалик томонлар суғурта шартномасини бекор қилиш тўғрисида Келишувни имзолаган ҳолда амалга оширилади.

1.4.5. Суғурталовчининг ташаббуси билан суғурта шартномасини (суғурта полисини) муддатидан олдин бекор қилиш фақат қуйидаги ҳолларда бир томонлама амалга оширилади:

а) Суғурта қилдирувчи томонидан ўз мажбуриятлари бузилган ва ҳақиқатга мос келмайдиган ҳужжатларни тақдим этган тақдирда. Бундай ҳолда, Суғурталовчи ушбу ҳолатлар тасдиқланган тақдирда, Суғурта қилдирувчи/Суғурталанган шахсга ёзма равишда хабар бериш орқали суғурта Шартномасини бир томонлама бекор қилишга ҳақлидир;

б) қонун ҳужжатларида ва суғурта шартномасида назарда тутилган ва руҳсат этилган ҳолларда.

СУҒУРТАЛОВЧИНИНГ РЕКВИЗИТЛАРИ: Тўлиқ номланиши:

“Ўзбекинвест” экспорт-импорт суғуртаси компанияси” акциядорлик жамияти.

Почта манзили: Ўзбекистон Республикаси, 100097, Тошкент шаҳри, Чўпон ота кўчаси, 6 уй. Электрон почта манзили (расмий Интернет-ресурс/электрон почта): www.uzbekinvest.uz office@uzbekinvest.uz Давлат рўйхатига олиш тўғрисида маълумот:

Компания Ўзбекистон Республикаси Адлия вазирлиги томонидан 2020 йил 1 июлда рўйхатдан ўтказилди, реестр рақами 386.

Лицензия тўғрисида маълумот:

Лицензия: SF №00006 серияли, Ўзбекистон Республикаси Молия вазирлиги томонидан 2020 йил 11 декабрда берилган.

2-БЎЛИМ. СУҒУРТА ҲОДИСАСИ

2.1. Ушбу Офертага мувофиқ суғурталанган хонадонга ёнгин натижасида зарар етиши, ваколатли ташкилот томонидан тегишли ҳужжат билан тасдиқланганлиги шарти билан, суғурта ҳодисаси бўлиб ҳисобланади.

3-БЎЛИМ. УМУМИЙ ИСТИСНОЛАР

3.1. Суғурта қоидаларига (полисига) кўра қуйидагилар оқибатида юз берган воқеалар суғурта ҳодисаси ҳисобланмайди:

- а) қасддан қилинган ҳар қандай ҳаракат ёки ҳаракатсизлик оқибатида ёнгин содир бўлиши;
- б) кадастр ҳужжатида эга бўлмаган турар жой ва мазкур жойнинг конструктив ажралмас қисми бўлган қурилмалар ва (ёки) майдонларда юз берган ёнгин.

4-БЎЛИМ. ТОМОНЛАРНИНГ ЖАВОБГАРЛИГИ

4.1. Суғурталовчи Суғурта қилдирувчи томонидан ахборот тизимида оммавий шаклда тақдим этилган маълумотлар учун жавобгар эмас.

4.2. Суғурталовчи ўз ваколатига кирмайдиган ҳодиса ва ҳолатлар натижасида келиб чиқадиган салбий оқибатлар ва зарарлар, шунингдек учинчи шахсларнинг ҳаракатлари/ҳаракатсизлиги учун жавобгар эмас, яъни:

- Суғурта қилдирувчи томонидан тақдим этилган маълумотлар ва ҳужжатларнинг ишончсизлиги, етарли эмаслиги ва ўз вақтида тақдим этилмаганлиги ёки Суғурта қилдирувчи томонидан ушбу Офертанинг шартлари ёки ҳужжатларга бўлган талабларнинг бузилганлиги оқибатида ўз зиммасига олган мажбуриятларни бажариш имконсиз бўлса;

- ҳужжатларнинг ҳақиқийлиги ва тўғрилиги учун (улардаги маълумотларнинг ишончлилиги ва тўлиқлиги);

- алоқа линияларининг узилиши, Суғурта қилдирувчи ускунасининг ишламай қолиши сабабли Суғурталовчи томонидан расмийлаштиришнинг иложи йўқлиги учун.

4.3. Томонлар ушбу Оферта бўйича ўз мажбуриятларини бажармаганликлари ва/ёки лозим даражада бажармаганликлари учун ушбу Оферта ва Ўзбекистон Республикасининг амалдаги қонунчилиги томонидан белгиланган тартиб ва шартларда жавобгар бўлишади.

4.4. Томонлар енгиб бўлмас куч ҳолатлари (форс-мажор) юзага келган тақдирда ушбу Оферта бўйича мажбуриятларни бажармаганликлари ёки лозим даражада бажармаганликлари учун жавобгарликдан озод қилинадилар.

4.5. Суд томонидан ушбу Офертанинг бирор қоидаси ҳақиқий эмас деб топилиши қолган қоидаларнинг ҳақиқий эмаслигига олиб келмайди.

5-БЎЛИМ. ТОМОНЛАРНИНГ ҲУҚУҚ ВА МАЖБУРИЯТЛАРИ

5.1. Суғурта қилдирувчининг ҳуқуқлари:

- а) Суғурталовчининг ёзма кўрсатмаларига асосан суғурта ҳодисаси натижасида юзага келаётган ёки келган зарар миқдорини камайтиришга қаратилган ҳаракат чораларини амалга ошириш;

- б) Суғурталовчи ёки унинг вакилидан суғурта шартларига оид қўшимча маълумот ёки изох олиш.

- в) суғурта шартномасини Суғурталовчини 30 (ўттиз) кун олдин хабардор қилган ҳолда бекор қилиш.

5.2. Суғурта қилдирувчининг мажбуриятлари:

- а) суғурталанган хонадонда барча зарур хавфсизлик талабларига риоя қилинишини таъминлаш;

- б) суғурта ҳодисасининг юз бериши эҳтимолини олдини олиш учун ўзига боғлиқ бўлган барча чораларни кўриши;

- в) ушбу Офертанинг 6.1. бандида кўрсатилган муддат ва тартибда суғурта ҳодисаси юз берганлиги тўғрисида хабар бериш.

5.3. Суғурталовчининг ҳуқуқлари:

а) содир бўлган ҳодиса бўйича Суғурта қилдирувчига нисбатан тергов ёки суд суриштируви тайинланган бўлса, тергов ёки суднинг якуний қарори чиққунига қадар суғурта товони тўлашни тўхтатиб туриш;

в) агар Суғурта қилдирувчи ушбу Офертанинг 5.2-бандида кўрсатилган мажбуриятларини бажармаганлиги аниқланса, Суғурталовчи суғурта товонини тўлаш рад этиш ёки зарарланган хонадонига етган зарарни ўз имкониятларидан фойдаланиб белгилаш;

г) тўғридан-тўғри жабрланувчи ёки унинг меросхўрларига суғурта товонини ёки таъминотини тўлаш.

5.4. Суғурталовчининг мажбуриятлари:

а) Суғурта қилдирувчининг суғурта воқеасига тааллуқли суғурта даъвосини ушбу Офертанинг 6-бўлимида кўрсатилган муддатларда ҳал этиш;

б) Суғурта қилдирувчининг сўровномасига кўра суғурта шартларига оид қўшимча маълумот ёки изоҳ бериш.

6-БЎЛИМ. СУҒУРТА ДАЪВОЛАРИНИ КЎРИБ ЧИҚИШ ТАРТИБИ

6.1. Суғурта ҳодисаси содир бўлганда Суғурта қилдирувчи воқеа содир бўлган вақтдан бошлаб 72 соат ичида Суғурталовчига оғзаки равишда хабар бериши ва 5 (беш) иш куни ичида ёзма ариза билан мурожаат этиши шарт.

6.2. Суғурталанган хонадон билан содир бўлган воқеани кўриб чиқиш учун Суғурта қилдирувчи қуйидаги ҳужжатларни Суғурталовчига тақдим этади:

а) воқеани кўриб чиқиш тўғрисида ариза;

б) суғурталанган хонадонга эгалик қилиш ҳужжатлари ёки хонадоннинг ўлчамлари кўрсатилган бошқа ҳужжат нусхаси (агар ҳужжатлар воқеа натижасида нобуд бўлмаган бўлса);

в) зарарланган хонадоннинг фотосуратлари;

г) тегишли ваколатли давлат идораларидан (ёнғин хавфсизлиги хизматлари ва б.) хонадонининг зарарланиши, шикастланишининг келиб чиқиш сабабларини тасдиқловчи ҳужжатнинг асли;

д) зарар миқдорини ҳисоблашга ваколатли ташкилотнинг хонадонга етган зарарни аниқлаш (лойиҳа-смета) бўйича тузган ҳисоботи, ҳулосаси ёки бошқа ҳужжатининг асли. Зарар етганлиги ёки унинг ҳажми бўйича Суғурталовчида шубҳа туғилган тақдирда қайта экспертиза ўтказиш ҳуқуқига эга.

6.3. Ваколатли ташкилот томонидан берилган ҳужжат шу ташкилотда ўрнатилган тартибда расмийлаштирилган бўлиши лозим.

6.4. Суғурта ҳодисаси содир бўлганлигини тасдиқлаш мақсадида Суғурталовчи, Суғурта қилдирувчи ва ҳолис гувоҳлар иштирокида воқеа жойини кўздан кечириш Далолатномаси тузилиши мумкин.

7-БЎЛИМ. СУҒУРТА ТОВОНИНИ ТЎЛАШ ТАРТИБИ

7.1. Суғурта товони кўчмас мулкни тиклаш харажатлари учун суғурта пулидан ошмаган миқдорда тўланади.

7.2. Тиклаш харажатлари қуйидагилардан иборат:

а) таъмирлаш (тиклаш) учун материаллар ва эҳтиёт қисмлар;

б) таъмирлаш бўйича иш ҳақи тўлови;

в) материалларни (эҳтиёт қисмларни) таъмирлаш жойига олиб бориш харажатлари;

г) хонадонини тиклаш бўйича лойиҳа-сметани тайёрлаш харажатлари.

7.3. Суғурта ҳодисасининг юзага келиши ва зарар миқдорини аниқлаш учун зарур бўлган барча ҳужжатлар Суғурта қилдирувчи томонидан Суғурталовчига тақдим этилган кундан бошлаб 10 (ўн) иш куни ичида Суғурталовчи тегишли қарор қабул қилади ва қарор қабул қилинган кундан бошлаб 5 (беш) иш куни ичида Суғурта қилдирувчига имзолаш учун суғурта ҳодисаси тўғрисидаги далолатномани тақдим этади.

7.4. Суғурта ҳодисаси тўғрисида далолатнома имзоланган кундан бошлаб 5 (беш) иш куни ичида Суғурталовчи Суғурта қилдирувчи кўрсатган ҳисоб рақамига суғурта товони суммасини ўтказиб беради.

7.5. Суғурталовчининг суғурта товонини тўлашни рад этиш тўғрисидаги қарори Суғурта қилдирувчига у суғурта товонини тўлашни сўраб мурожаат этган кундан бошлаб 15 (ўн беш) кундан кечиктирмай хабар қилиниши ва рад этиш сабабларининг асослантирилган далил-исботларини ўз ичига олган бўлиши шарт.

7.6. Агар Суғурта қилдирувчига етган зарар, зарарни етказган шахс томонидан қисман қопланса, Суғурталовчи қопланмаган зарар қисми миқдорида, ушбу Офертанинг 7.1. бандига мувофиқ суғурта товонини тўлаб беради.

Агар зарарни етказилишида айбдор шахс томонидан зарар қопланса, Суғурта қилдирувчи Суғурталовчига бундай пул маблағлари олинганлиги ҳақида дарҳол хабар бериши ва ортиқча тўланган суғурта товонини Суғурталовчига қайтариши шарт.

7.7. Суғурта товонини тўлиқ ёки қисман тўлангандан сўнг Ўзбекистон Республикаси Фуқаролик кодексининг 957-моддасига асосан (суброгация) тўланган суғурта товони миқдорида Суғурта қилдирувчининг зарар учун жавобгар бўлган шахсга нисбатан талаб қилиш ҳуқуқи Суғурталовчига ўтади. Суғурта қилдирувчининг яқин қариндошлари (ота-онаси, ака-укалари, опасингиллари, турмуш ўртоғи, фарзандлари)га нисбатан ушбу банднинг талаблари қўлланилмайди. Суғурта қилдирувчи етган зарар учун жавобгар бўлган шахсга нисбатан талаб қилиш ҳуқуқидан воз кечса, Суғурталовчи суғурта товонини тўлашдан озод бўлади.

8-БЎЛИМ. БОШҚА ШАРТЛАР

8.1. Ўз зиммасига олган мажбуриятларни бажармаганлик ёки лозим даражада бажармаганлик учун томонлар Ўзбекистон Республикаси қонун ҳужжатларига мувофиқ жавобгар бўладилар.

8.2. Ушбу Офертадан келиб чиқадиган барча тортишувлар ва келишмовчиликлар томонлар ўртасидаги музокаралар йўли билан ва келишувга эришилмаган тақдирда Ўзбекистон Республикаси қонун ҳужжатларида белгиланган тартибда ҳал этилади.